



Siy ki montre w yon timoun ka viktim abi:

- ❖ Mètri oswa zo kase ki rive souvan
- ❖ Timoun nan absan lekòl souvan
- ❖ Retrè emosyonèl ki fêt sibitman
- ❖ Konpòtman agresif ki fêt toudenkou
- ❖ Kochma [move rèv]
- ❖ Move konpòtman lekòl
- ❖ Demontre yon laperèz ki irasyonèl lè li ale dè kote byen presi, lè li nan sèten sitiyasyon, oswa lè li wè sèten moun.
- ❖ Retou a yon faz devlopman lè li te pi piti: L ap pipi nan kabann oswa l ap souse dwèt li
- ❖ Izolman sosyal [pa renmen rete bò kot moun]
- ❖ Mank dijyèn pèsònèl



**Se responsabilite tout
moun pou yo rapòte
abi kont timoun**

Chak ane nan Florida, gen dè dizèn de milye timoun ki sibi abi kont timoun; e abi sa a ka sou fòm abi fizik oswa abi seksyèl, neglijans, abandon oswa domaj mantal. Gen anpil lòt toujou k ap kontinye soufri paske yo pa janm rapòte abi yo fè sou yo. Selon Iwa nan Florida, nenpòt ki moun ki sisplèk yon timoun ka viktim abi oswa neglijans, moun sa a gen responsabilite pou l rapòte l.

Kijan pou rapòte abi

Li byen senp pou rapòte abi epitou se yon bagay ki konfidansyèl. Menmsi ou pa gèn tout enfòmasyon an sou ka timoun nan, ou ka rapòte abi a kanmèm. Enfòmasyon w genyen an ka kritik pou sove lavi yon timoun.

Pa telefòn: 1.800.962.2873
Pa faks: 1.800.914.0004
Pa sistèm pou moun ki gen pwoblèm pou tande (TDD): 1.800.453.5145
Sou entènèt, nan: FloridaAbuseHotline.com

Rapòte abi kont timoun:

Pa telefòn: 1.800.962.2873
Pa faks: 1.800.914.0004
Pa sistèm pou moun ki gen pwoblèm pou tande (TDD): 1.800.453.5145
Sou entènèt, nan: FloridaAbuseHotline.com

 **Lauren's Kids**
www.LaurensKids.org


LAUREN'S KIDS
PREVENTING CHILD ABUSE
HEALING SURVIVORS


**Safer, Smarter
COMMUNITIES**



Abi seksyèl

Estatistik montre ke 1 jennfi sou 3 ak 1 jenn gason sou 5 viktim abi seksyèl anvan yo fete 18 tan yo; e jeneralman se yon moun yo konnen, yo renmen e yo fè konfyans ki abize yo.

Leplisouvan delenkan seksyèl yo vize timoun ki viv nan kay kote pa gen estabilite oswa kote tout moun toujou okipe anpil, yo sible timoun ki toujou pare pou yo fè lòt moun plezi oswa timoun ki toujou poukонт yo. Jeneralman, lè y ap « file » yon timoun yo vle abize, yo kòmanse etabli yon relasyon defason pou timoun nan ak tout paran li vin gen konfyans nan yo; yo prete atansyon espesyal a timoun nan, yo ba l kado oswa montre l dè bagay pou ba l eksperyans; epi ofiramezi yo teste limit timoun nan pou fè l aksepte san l pa di pèsonn anyen, lè yo manyen timoun nan dè kote ki pa awopriye.

Siy ki montre yon timoun ka byen ap sibi abi seksyèl

- ❖ Yon adilt montre li enterese defason ki pa nòmal nan yon timoun
- ❖ Timoun nan izole tèt li, li kòmanse pa travay byen lekòl, li paka dòmi oswa li retounen ap gen konpòtman lè l te pi piti, tankou li pipi nan kabann ni
- ❖ Yon timoun ki pi gran ap blese tèt li



Kesyon moun poze souvan

Èske mwen ka rapòte yon ensidan alanonom?

Pifò moun ka rapòte abi ann anomim. Selon Iwa Florida, gen sèten pwofesyonèl ki fèt pou bay non yo ak enfòmasyon sou kijan pou kontakte yo; pwofesyonèl sa yo se doktè, enfimyè, ak lòt moun ki travay nan domèn swen sante, konseye onivo sante mantal, ofisyè ki ranfòse lalwa, jij, pwofesè ak lòt moun ki travay nan lekòl oswa nan gadri. Enfòmasyon sa a ke yo rapòte a, ap rete konfidansyèl e li pap fè patide dosye publik la.

E si mwen pa fin si de sa?

Si ou sispèk y ap abize yon timoun, responsabilite w se pou rapòte sa e pou pèmèt otorite awopriye yo mennen yon envestigasyon. Travay ou se pa pou mennen pwòp envestigasyon w ni w pa dwe tann jiskaske ou si konplètman.

Èske se pou m pale ak timoun nan oswa ak paran l anvansa?

Non. Si ou sispèk yon timoun ap sibi abi, se pou rele nan telefòn pou w rapòte sa nan liy enfòmasyon pou abi a.

E si yon timoun revele banmwen li se yon viktim abi?

Ou fèt pou tande kalmeman sa l ap di w la epi note leplis detay ke posib. Ou pa dwe pwomèt li ke w pral kenbe enfòmasyon li ba w la konfidansyèl, men se pou di timoun ou pral jwenn yo ede.

Fason pou ede timoun pwoteje tèt yo kont abi

Montre timoun yo:

1. Pou yo gen omwen twa gramoun yo fè konfyans e ke yo ka pale avèk yo sou nenpòt bagay.
2. Ke kò yo se pati prive pa yo, e ke se pou yo di yon gramoun yo fè konfyans si gen nenpòt moun ki eseye manyen yo yon fason ki mete yo malalèz oswa ki fè yo santi yo andanje.
3. Ke se pa pou okenn moun mande yo kenbe sekrè pou pa di paran yo oswa gramoun yo fè konfyans yo. Sekrè ki san danje (tankou yon fèt sipriz) se dè sekrè ke evantyèlman yo vin di e ki fè tout moun kontan.

